

**Najib Gembira Dengan Transformasi Undang-undang Negara  
Bernama  
17 Januari, 2013**

KUALA LUMPUR, 17 Jan (Bernama) -- Perdana Menteri Datuk Seri Najib Tun Razak gembira dengan perkembangan positif transformasi undang-undang di negara ini.

Pada masa sama beliau juga gembira dengan keberkesanan Akta Perhimpunan Aman 2012 yang diperkenalkan tahun lalu bagi melindungi hak rakyat untuk berhimpun dan bersuara seperti yang dijamin di dalam Perlembagaan Persekutuan.

Dalam entri terbaharu beliau di laman Facebook hari ini, Najib berkata kegembiraan mengenai perkara itu dinyatakan semasa menyampaikan ucapan sempena perasmian Persidangan Transformasi Perundangan Berhubung Dengan Keselamatan dan Hak Asasi dan Tanggungjawab: Harapan dengan Cabaran di sini, Isnin lepas.

"Dalam ucapan tersebut, saya menyatakan kegembiraan saya terhadap perkembangan positif transformasi undang-undang di negara ini serta keberkesanan Akta Perhimpunan Aman 2012 yang diperkenalkan tahun lalu," katanya.

Persidangan tiga hari itu dianjurkan oleh Jabatan Peguam Negara Malaysia, Razak School of Government (RSOG) dan Institut Terjemahan dan Buku Malaysia yang bertujuan memberi penjelasan lanjut mengenai transformasi beberapa bahagian undang-undang yang sedang dilakukan khususnya berhubung keselamatan serta hak dan kebebasan asasi.

-- BERNAMA

Copyright © 2013 BERNAMA

Source: <http://www.bernama.com/bernama/v6/bm/newsindex.php?id=922381>